



№9 (8213)
5 наурыз
БЕЙСЕНЫ,
2026 ЖЫЛ



Кен Жылоу

Жылыой аудандық қоғамдық-саяси газеті

Газет 1933 жылы 4 қазаннан шыға бастады



www.facebook.com/kenzhylol
ken_jyloi_gazeti

* 8 наурыз – Халықаралық әйелдер күні

* Мемлекеттік тіл

Мереке құтты болсын, асыл жандар!

ҚҰРМЕТТІ ЖЫЛЫОЙ
АУДАНЫНЫҢ
АРДАҚТЫ АНАЛАРЫ МЕН
АЯУЛЫ АРУЛАРЫ!

Сіздерді көктемнің шуақты мерекесі
Халықаралық әйелдер күні мейрамымен шын
жүректен құттықтаймын!

Бұл күн мейірім мен махаббаттың, сұлулық
пен ізгіліктің мерекесі. Қоғамымыздың дамуына,
ауданымыздың өркендеуіне қосып жүрген
өшпесіз үлестеріңіз үшін Сіздерге айрықша
алғысымды білдіремін. Сіздер отбасының
берекесін кіргізіп, ұрпақ тәрбиелеп, түрлі са-
лада табысты еңбек етіп, ел игілігі жолында
аянбай қызмет атқарып келесіздер.

Жылыой жерінің өсіп-өркендеуінде әйелдердің
еңбегі ерекше. Білім мен денсаулық сақтау,
кәсіпкерлік пен мемлекеттік қызмет, мәдениет
пен спорт салаларында табысты еңбек
етіп жүрген назік жандар – ауданымыздың
мақтанышы. Сіздердің кәсібиліктеріңіз,
жауапкершіліктеріңіз бен табандылықтарыңыз
кейінгі ұрпаққа қл.

Осы айтулы мереке күні баршаңызға зор
денсаулық, отбасыларыңызға амандық,
шаңырақтарыңызға шаттық пен береке
тілеймін. Әрдайым жүздеріңізден күлкі көт-
пей, еңбектеріңіз еленіп, абырой-беделдеріңіз
арта берсін!

Көктемнің әр күні қуаныш пен жағымды
жаңалыққа толы болсын!

Құрметпен,
Жұмабек ҚАРАЖАНОВ,
аудан әкімі



«Кен Жылоу» газетінің тілшісі
Айша ТАЛАНКЕР

ТӘУЕЛСІЗ МЕМЛЕКЕТ ҚАЗЫНАСЫ

Тіл – ұлттың жаны, рухы
және тарихы. Әр халықтың
болмыс-бітімі, салт-дәстүрі
мен дүниетанымы оның
тілінде сақталады. Сондықтан
мемлекеттік тіл – жай ғана
қарым-қатынас құралы емес, ол –
халықтың баға жетпес қазынасы.



Қазақстан Республикасының мемлекеттік
тілі – қазақ тілі. Қазақ тілі ғасырлар бойы
халқымызбен бірге жасап, талай тарихи
кезеңдерден өтті. Жыраулар поэзиясы,
шешендік сөздер, батырлар жыры – барлығы
да тіл арқылы ұрпақтан ұрпаққа жетті.
Тіліміз – ұлттық мәдениеттің, әдебиеттің,
өнердің негізі.

Мемлекеттік тілдің мәртебесі – ел
тәуелсіздігінің айқын белгісі. Тәуелсіз мем-
лекет үшін ортақ тілдің болуы – бірлік
пен тұтастықтың кепілі. Мемлекеттік тіл
қоғамның барлық саласында: білім беру
жүйесінде, мемлекеттік басқаруда, бұқаралық
ақпарат құралдарында кеңінен қолданылуы
тиіс. Бұл оның дамуына және беделінің ар-
туына жол ашады.

Тілді құрметтеу – өз халқыңды құрметтеу.
Әр азамат мемлекеттік тілді білуге және
оны күнделікті өмірде қолдануға жауапты.
Әсіресе жас ұрпақ ана тілін терең меңгеріп,
оның бай сөздік қорын, көркемдігін танып
өсуі қажет. Отбасында қазақша сөйлеу, ұлттық
құндылықтарды насихаттау – тілдің болашағын
айқындайтын маңызды қадамдар.

Мемлекеттік тіл – халықтың рухани байлығы,
өткен мен бүгінді байланыстыратын алтын
көпір. Егер біз тілімізді қадірлеп, дамытуға күш
салсақ, болашақ ұрпаққа бай мұра қалдырамыз.
Тілі сақталған халықтың өзі де сақталады.
Сондықтан мемлекеттік тілді қорғау және да-
мыту – баршамыздың ортақ міндетіміз.

Инжу ҚАРАТАЕВА,
аудандық сот әкімшісінің
жетекші маманы

• Баспасөз - 2026

Кен Жылоу

газетіне 2026 жылға жазылу жалғасуда!



- * Ауданға қатысты жаңалықтар
- * Өзекті мақалалар, сұхбаттар
- * Жарнамалар

Индекс: 65583

Баламалы негізде: 9 айға - 2615 тг.

Пошта арқылы: 9 айға - 3668, 8 тг.

"Кен Жылоу" газетіне баламалы түрде төмендегі нөмір арқылы жазыла аласыз: 8-701 413 95 22



Қадірлі ханымдар!

«Тенішевройл» ЖШС ұжымы атынан сіздерді 8 наурыз — Халықаралық әйелдер күнімен шын жүректен құттықтаймыз!

Көктеммен бірге келетін бұл шуақты мереке — әйел затына, сіздердің жоғары кәсібиліктеріңіз, асқан жауапкершіліктеріңіз, парасаттылықтарыңыз, сондай-ақ нәзіктік пен мейірімге ұласқан ішкі қуш-қуаттарыңызға деген терең құрметтің, шынайы ілтипат пен зор ризашылықтың айқын көрінісі. Сіздер кәсіби салада табысты еңбек етіп қана қоймай, отбасының берекесін сақтап, жақындарыңызға тірек болып, айналаңызға жылулық пен шабыт сыйлап, әр күнімізге көрік беріп келесіздер.

Әйелдер қоғамның, экономиканың және әлеуметтік саланың дамуына өлшеусіз үлес қосып келді. Сіздердің тынымсыз еңбектеріңіз, өз ісінізге деген адалдықтарыңыз бен жоғары нәтижеге ұмтылыстарыңыз — ортақ жетістіктеріміздің және өңірдің тұрақты дамуының берік негізі.

Осы мерейлі мереке күні сіздерге зор денсаулық, отбасыларыңызға амандық, бақ-береке мен кәсіби табыс, сондай-ақ әр күнінен қуаныш тауып, ертеңгі күнге сеніммен қадам басуды тілейміз. Әрдайым құрмет пен ілтипатқа, шынайы алғыс пен қолдауға бөле беріңіздер!

Билли ЛАКОБИ,
«Тенішевройл» ЖШС
Бас директоры

Қуанышкерей МҰХТАРОВ,
«Тенішевройл» ЖШС
Бас директорының орынбасары

